

T9117/4344(39)

續同人集

第一冊

乾隆庚戌鐫

續同人集

隨園藏板

續同人集姓氏目錄

過訪類

張堅

趙履上

袁梓

黃之紀

黃之紀

宋樹毅

王昶

李因培

夏之蓉

彭啓豐

吳錫麒

王友亮

汪雲根

邵辰煥

林良銓

儲國鈞

慶蘭

陳熙

劉夢芳

史奕昂

程晉芳

盛復春

管松年

曹世釗

湯擴祖

俞瀚

李棠



范起鳳

王岱

邵玘

楊夢符

俞葆寅

洪禮

沈榮昌

浦翔春

張道正

李廷敬

陳兆鯨

周之桂

沈克勤

陳翥

張舟

趙翼

徐溥

李賡芸

張汝霖

金紹鵬

嵇承謙

李斗

林鎬

喬晉

何承燕

吳蔚光

徐燁

徐燁

余旻

序

冒巢民先生有同人集十二卷序曰海內才人同聲相
 應當其始也視為易得而裝置焉及時移事易其人已
 往則雪泥鴻爪往往思之于無窮豈不可惜斯言也余
 悔知之已晚余在名場垂六十年四方投贈之詩不下
 萬首多糊屋壁題詩世界二字以顏之不數年盡皆剝
 蝕因之自悔想學巢民先生付之剗刷又苦無力乃選
 其詩之最佳者梓而存之號曰續同人集其已附集中
 及詩話者俱不錄隨園

又舊詩各州不獲國

其書之... 而... 之... 曰... 人... 其... 中

贈因之... 其... 之... 曰... 人... 其... 中

萬首... 其... 之... 曰... 人... 其... 中

對映之... 其... 之... 曰... 人... 其... 中

其... 之... 曰... 人... 其... 中

其... 之... 曰... 人... 其... 中

其... 之... 曰... 人... 其... 中

其... 之... 曰... 人... 其... 中

續同人集分類總目

過訪類

投贈類

宴集類

放燈類

寄懷類

和韻類

告存類

生挽類

題圖類

送行留別類

慶賀類

答謝類

閨秀類

文類

盛詩類

續同人集目錄

續同人集目錄

投贈類

莊有恭

李天英

趙翼

蔣知讓

錢維喬

折遇蘭

德隆

談士灝

方正樹

丁珠

李廣芸

陶元藻

黃景仁

何士容

鮑之鍾

彭翥

弟增

毛藻

浦銑

林鎬

沈本陞

朱黼

張雲璈

秦大士

程晉芳

折遇蘭

蔣和寧

沈德潛

張誠

梁同書

彭翥

趙翼

彭光斗

孫華

成城

鮑璉

楊國霖

孫韶

吳蔚光

疏枝春

江藩

吳兆龍

法嘉孫

陳用光

吳鎮

葉紹隆

任康

王光晟

龍鐸

汪鯤

方溥

談炎衡

蒲忭

何道生

王汝藩

王汝翰

祝德麟

左壩

何長發

王汝璧

陳毓成

孫原湘

張鉉

孫昌時

顧澍

金兆鵬

黃世埏

洪錫豫

陳熙

謝啓昆

儲潤書

左壩

張節

法式善

崔龍見

胡永煥

胡岳

祝德麟

施德樂

福康安

和琳

德福

王岱

思元主人

吳承禧

陳聲和

孫廷慶

孫光甲

俞思謙

范音

崔仰舜

彭光斗

朱春生

汪承達 成策 清恒 董邦本 清恒 團維塘

刺刺海 刺刺海 刺刺海 刺刺海 刺刺海 刺刺海 刺刺海 刺刺海 刺刺海 刺刺海

續同人集目錄

宴集類

熊本 周長發 周長發

徐垣 曹言路 蔣之廉

黃之紀 何士容 黃國楹

羅春霆 蔡元春 金紹鵬

梅冲 陳熙 陳毅

曹言路 許光驥 葛國玠

羅聘 吳玉擗 蔡曾源

徐溥 王發桂 翟大琛

莊經畬 陳毅 劉啓秀

范兆龍 俞葆寅 何士容

周汾 袁鑿 袁樹

毛藻 王光晟 邵颯

何士容 袁知 嚴守田

汪廷舫 李廷敬 蔡觀湖

陶渙悅 袁樹 汪舸

王箴輿 郭錡 高雲

徐垣 邵颯

續同人集目錄

放燈類

汪廷昉 程晉芳 呂光復

徐溥 顧鎮 仲蘊棻

王陸視 錢大昕 方正澍

章甫 程夢湘 顧敏恒

唐大成 韓廷秀 何士容

俞葆寅 周之桂 胡莘隆

余旻 趙帥 劉啓秀

燕以均 潘瑛 韓廷秀

吳蔚光 方如川 汪楨

孫昌時

沈澗

齊同人集目錄

續同人集目錄

寄懷類

程廷鑽 錢琦 程晉芳

黃之紀 托庸 尹繼善

嚴長明 慶桂 李憲喬

王昶 俞葆寅 周發春

袁壽 楊國霖 楊國霖

趙懷玉 丁珠 慶玉

託庸 申發神 慶蘭

趙懷玉 楊芳燦 法式善

孫韶 孫韶 慶桂

寄懷類

程晉芳 趙翼 明義

金潢 彭光斗 慶桂

王汝翰 伊湯安 吳均

戴宇 吳魯 孫士毅

林鎬 吳文溥 呂光復

潘汝炯 劉錫嘏 胡士龍

尤維熊 陳聲和 楊芳燦

張誠 克什訥 李奉翰

劉熙 郭磨 朱滋年

託庸 張懋履

續同人集目錄

和韻類

尹繼善 尹繼善 尹繼善

尹繼善 錢大昕 錢大昕

謝登雋 儲國鈞 陶鏞

王陸隄 張賓鶴 託庸

夏之蓉 吳壇 張五典

薛雪 龔孫枝 浦銑

王鳳岡 李常吉 朱錦

楊祖桂 李秉禮 朱依真

錢琦 李奉翰 王廷泰

王汝翰 李堯棟 吳蔚光

潘汝炯 程晉芳 胡德琳

邵玘 惠齡 韓廷秀

曾煥

氏繼善 氏繼善 氏繼善

休前談 張懋履

續同人集目錄

續同人集目錄

告存類

奇豐額 李堯棟 譚啓昆

趙翼 錢維喬 趙帥

王忻 汪廷楷 蔡之定

唐仁植 趙懷玉 洪亮吉

秦翼 何道生 劉錫嘏

吳鎮 石渠 楊芳燦

鈕孝思 尤繼熊 惠齡

孫士毅

孫士燾

賈宗思

吳懿

蔡澗

冉子融

王池

歐翼

杏豐

水燾

何道生

百果

何道生

歐對王

王孫

孫燾

李英林

張燾

陸燾

歐燾

蔡燾

歐燾

歐燾

歐燾

歐燾

續同人集目錄

吉字類

續同人集目錄

生挽類

項塢

俞葆寅

孫傳曾

梁履繩

孫士毅

釗孝思

嚴守田

梁同書

李廷敬

韓朝衡

郭磨

管松年

陶瑩

錢維喬

周發春

朱黼

呂昌期

趙懷玉

何承燕

洪亮吉

法式善

錢大昕

奇豐額


劉錫五

劉熙

余旻

張士範

吳照 明義 王昶
 周之桂 潘奕雋



續同人集目錄

題詞類

別類

| | | |
|-----|-----|-----|
| 王鳴盛 | 錢維城 | 錢陳羣 |
| 稽璜 | 錢大昕 | 蔣和寧 |
| 彭啟豐 | 朱筠 | 錢維喬 |
| 陳淮 | 梁同書 | 王文治 |
| 江柎 | 王箴輿 | 程廷璜 |
| 徐柱臣 | 莊經畬 | 沈榮昌 |
| 慶蘭 | 曾煥 | 許 |

江廷柱

彭

龍

題詞類

費蘭 牌歎

俞其引 洪壽翁 吳榮昌

王其 王其 王其 王其

刺其 梁同書 王文

清和豐 米 吳 吳

醉 趙 趙大 蘇味寧

王即 吳 吳 吳

續同人集目錄

續同人集目錄

送行留別類

劉啓秀 陶鏞 黃之紀

盧文弨 秦大士 周之桐

陳熙 孫士毅 慶蘭

萬福 胡濤 莊守達

錢琦 胡濤 項鏞

周宗樞 平聖臺 汪廷助

姚嗣震 陸應宿 許鉞

汪廷桂 彭翥 熊學驥

保泰 潘奕雋 黃鼎燮

吳世基 蔣業晉 方燮

蔣惠華 王炳 何琪

龍鐸 錢時霽 沈周南

陸鼎 李漢 周鶴立

項一鳴 石渠 萬福

胡天游 吳嗣富 裘曰修

嵇璜 沈德潛 張鵬翀

何士容 照學驥 李棠

朱依真 李廷敬 王汝翰

續同人集目錄

慶賀類

陳熙 金光國 吳蔚光

李堯文 孫士毅 陶渙悅

陳熙 陳毅 錢塘

何士容 俞葆寅 方正澍

劉志鵬 嚴長明 畢沅

陶紹景 錢大昕 慶玉

錢琦 梁同書 張五典

陸應宿 孫韶 吳寶書

商盤 程景伊 王祖庚

李重華

王文治

鐵保

刑德麟

尤維熊

李堯棟

朱依真

李秉禮

邵此

刺烈

金光園

吳謀光

與賈賤

續同人集目錄

續同人集目錄

答謝類

錢琦

陳寅

錢維喬

錢塘

仲蘊榮

胡德琳

羅聘

汪雲根

劉志鵬

張五典

陸應宿

錢維喬

尤蔭

沈琨

劉志鵬

李廷敬

宮國苞

吳溟

沈鼎生

趙曾益

趙曾益

劉錫五

何道生

黃中理

甄繼

何道主

黃中野

馮會益

吳為

陸志剛

陸志剛

陸志剛

陸志剛

各楷

續同人集目錄

續同人集目錄

閩秀類

陳淑蘭

袁棠

袁棠

程慰良

張瑤英

吳柔之

孫雲鳳

汪纘祖

汪如

汪如

張秉燮

孫雲鳳

孫雲鳳

錢孟鈿

吳淑慎

孫廷楨

徐裕馨

馮蕙

周月尊

陳長生

孫雲鳳

駱綺蘭

潘素心

潘素心

孫雲鳳

金逸

孫雲鳳

孫雲鳳 孫雲鳳 張滋蘭

顧琨 江珠 尤澹仙

金兌 金逸 周禮蘭

何玉仙 潘素心 金兌

鮑之蕙 姚秀英 王碧雲

張瑤英 鮑印 錢林

張秉彛 孫雲鳳 廖錦雲

席佩蘭 盧元素

續同人集目錄

文類

梅冲 陳用光 彭紹升

馬俊良 梅冲 楊芳燦

陳宗鄭 陶澹悅 梅冲

萬應馨 胡天游 杭世駿

聞益 梅冲 盧文弨

陳奉茲 孫輔元 張士範

陳奉茲 顧敏恒 李奉翰

尹繼善 程景伊 託庸

託庸 莊有恭 莊有恭

梁國治 高晉 高晉

彭啓豐 姚立德 張鳳孫

孔傳炯 蔣士銓 蔣士銓

程廷祚 程晉芳 程晉芳

程晉芳 程晉芳 王宸

史奕昂 裴宗錫 鄧時敏

鄧時敏 姚成烈 慶玉

慶玉 慶玉 慶玉

慶蘭 蔣和寧 蔣和寧

沈榮昌 沈榮昌 沈榮昌

金岳 錢琦 嚴長明

嚴長明 嚴長明 錢汝誠

沈石麟 楊中興 是鏡

周渠 嵇璜 胡季堂

胡季堂 慶柱 慶柱

慶桂 慶桂 慶霖

慶霖 奇豐額 奇豐額

奇豐額 伍拉納 惠齡

孫士毅 孫士毅 孫士毅

孫士毅 畢沅 畢沅

盧文弨 王昶 王昶

王昶 劉錫五 劉錫五

劉錫五 劉錫五 何道生

何道生 錢 棧 法式善

法式善 法式善 法式善

李奉翰 李奉翰 洪亮吉

洪亮吉 吳錫麟 祝德麟

祝德麟 趙 翼 趙懷玉

趙懷玉 錢 載 吳蔚光

李憲喬 平聖臺 平聖臺

孫嘉樂 錢維喬 毛 藻

邵 玘 吳玉墀 徐 侃

錢大昕 錢大昕 錢大昕

錢大昕 錢大昕 梁同書

王文治 王文治 檀樽主人

思元主人 和 琳 劉 樸

伊江阿 何道生 李奉翰

姚 鵠 孫士毅 彭光斗

袁穀芳

支際

謝

何

王

王

謝

蘇

何

王

王

謝

謝

李

王

王

謝

隨園續同人集 過訪類

白門有隨園創自吳氏余少時往遊其間興廢不一近為簡齋先生所得益修治之依林麓高下以為亭池臺榭曲折深幽愈轉愈勝先生以名太史作令來金陵異政彰聞民咸德之以丁外艱遂脫冠隱此雖一水一石皆具千巖萬壑之奇昔馬遷遊歷名區欲以山水助文心而先生小住此園又以文心幻山水余喜復遊其地讀先生自為記竊有感夫人與地之相得而益彰者敬呈一詩

張 堅

天地有奇境留待幽人關滄桑不在大廢興異今昔白

下小桃源地隣謝公宅吾少日過此入門嫌徑窄邱壑
一目盡藜莠未全柞瞬息四十年園林數主易今聞高
賢居扶杖欣蠟展別開一洞天仙境塵凡隔選勝踞峯
嶺小樓高百尺江白遠浮天鐘山青可摘巖廊宛轉通
匠心獨劃學次第四時花鳴禽話朝夕世人空羨羨良
辰盡虛擲我公獨不然買山錢不惜本是神仙侶偶向
人間謫登眺琴鶴隨博古鼎彝列清嘯入蒼雲凡凡明
赤烏憬然我有悟仰天笑啞啞從古無地靈只要有人
傑

隨園絕句

趙履上

一林花木罩新烟曲水平岡別有天鶴到此間真自在

不知避客只知眠

板橋斜匝徑彎環倚檻天桃信手攀花片隨風吹歷亂
可知流不到人間

春色深時艷畫廊鼠姑開傍假山旁迎風似向簾前拜
欲乞清平第四章

小倉山房卽景賦贈主人

袁 梓

百卉含芳繞綉甍綠雲深處一峯橫浮來水曲鷗相狎
聽慣筇聲鹿不驚窻外山高入影小門前村近牧歌清
松關不拒春遊客白下兒童盡識名

隨園遺興二首

黃之紀

鏡水稻山畫不成樓臺面面總空明爲山卽是爲文章

滿幅曾無一筆平

東風吹水漸消冰
倒影樓臺蕩幾層
魚似有情浮水面
夜深偷看讀書燈

隨園夜坐

前人

隨園基址近吾廬
早晚頻過步履舒
到館只經三里地
入山已讀五年書
花中柱礎時生潤
烟裏樓臺總在虛
我欲移家來左右
無由從願竟何如

紅草亭中罷釣竿
漫空烟影淡林巒
好花每喜銜杯賞
明月還思滅燭看
樹有烏啼栖未穩
山無犬吠夢俱安
夜來筆硯微生潤
寫就新吟墨未乾

日長書卷幾曾離
向晚携將涼處披
蛛解避人收網速
鳥知貪月入巢遲
偷閒每就山間榻
不寐長成枕上詩
吟罷自憐還自負
問誰如我得良師

重過簡齋先生隨園

宋樹穀

名園半月再經過
水閣垂簾瑟瑟波
修竹滿山秋意早
高梧臨檻雨聲多
談經每使人頤解
脫情應羞我髻
幡何事尊前動鄉思
溪橋渾似舊巖阿

同陶蘅川李晴洲嚴東友過隨園

王昶

城南城北鳴鳩飛
經旬苦雨如塵微
僧齋寥寂掩關卧
綠苔被逕行踪稀
隨園咫尺不得往
預恐積水淹春衣
朝來層陰忽開霽
快躡桑屐趨荆扉
重樓突兀俯烟莽
小檻宛轉沿蘆碕
踈籬幾曲芳槿繞
短約三板長松圍

輿如曠如各有態園林如此人間稀主人夙是香案吏
雅才首五遙相睎高名合沓動寥廓長句噴薄迴珠璣
三年卧閣理花縣便買邱壑辭塵鞅鳳匱螭敦署秘笈
牙籤錦暉充書幃江湖逸客共談藝時理研墨調冰徹
葢園詩老昔傳述謂程魚門令我悵望同調饑茲辰攀躋慰
夙抱况有勝侶同元韋篠檐側帽足幽賞藤床企脚堪
忘機櫻桃躑躅雖稍謝漸見婪尾增芳菲安得山廊最
深處日夕吟眺無乖違獨愁茶晏尚未已金烏隱隱澄
餘輝綠陰回首不忍別春雲杳靄生寒霏

秋日過訪隨園前輩有作

李因培

未歸還泛宅小住石頭城高閣夕陽外長天秋水橫

門容放鶴伐木愛鳴鶯莫作林泉癖中牟舊有聲
松菊歸元亮文章妙總持山藏千古業地數六朝遺花
館烏皮几溪橋白接離因君發幽興擬是習家池
翠微亭子下避暑訪遺宮古寺荒碑盡閉門野草叢穿
雲看屋角出樹指房櫺坐對幽人久青天送晚鴻
江南遊歷遍復此僻疆園明府方吟嘯清流共討論文
驚才藻麗語愛口瀾翻記取相逢日秋風白下門

過簡齋同年隨園賦贈

夏之蓉

餘杭才子神仙姿標奇翛然脫凡滓南屏石姥看已厭
來向江南弄烟水抽簪早及黑頭時問年纔踰三十耳
遺榮勇退古所難高懷直挹天隨子卜居遠在鍾山麓

手闢名園信媿美
蘭亭梓澤未許過
百里清光收掌指
行春徑裏花冥冥
需雅亭前石齒齒
踈林雨過雛燕飛
曲沼風吹荷葉起
主人綸巾坐小閣
挿架縱橫列書史
無官可守真得閒
有酒頻傾還自喜
只今心跡兩清絕
俯視浮名同敝蹤
不須更覓輞川莊
長此扣浮良足矣
十五年前一相識
君馬向南我向北
鳩來白下得重逢
未辨此身誰主客
劇憐邂逅眼猶青
差喜龍鍾髮尚黑
五千卷未貯胸中
公然直入崔嵬室
盤盤曲磴聳孤突
隱隱橫橋漾空碧
盈堦秀色坐可攬
拂檻嵐光淨如拭
恍疑置我巖壑裏
欲倩龍眼圖水墨
迴思舊雨等沙搏
謂杭莖浦陳
山諸君笑看野鳥爭
鼠嚇人生歲月能
幾何過眼

繁華同一擲但遺畫手落瀟湘
莫恨詩名折官職當
車笠舊有盟此日夔
蛟還共惜烟邱一野
肯平分我亦浮家來
泛宅

冒雨尋柳谷題贈簡齋先生 彭啟豐

春深多積雨雲護小倉山
綠柳遮溪谷碧桃滿路
灣陶公歸里早庾信卜
居別踏濕尋三徑匆匆
着屐還疏鑿窮幽勝高
低見化工引泉流蕩漾
疊石綴玲瓏循檻迴環
轉登樓眺矚空樓霞疑
在戶春雨響淙淙買山
酬價值拓地構園林文
讌偶然集塵氛自不侵
烟雲凝望遠花月寄情
深喬木成佳蔭鳴禽多
好音軒几俱幽靚琳瑯
滿目陳逸情耽古癖雅
尚與時新峯

挹清涼秀花迎穀雨春桃源雖在此不是避秦人

乙巳冬過隨園奉訪簡齋前輩

吳錫麒

蕭灑名園最清涼一經通門開黃葉裏塔倚夕陽中泉
石娛仙眷文章重寓公笑談春滿座未要下籠糲
如此遂初早于今四十年青山看六代白髮領羣賢業
以千秋重棋爭一着先愧余西笑容相對轉茫然

過隨園呈簡齋先生

王友亮

託跡菰蒲久自憐條披雲霧觀青天推袁到處人如市
御李今朝我卽仙高論正宜搗白羽賞音翻媿乏朱絃
齒牙餘慧從公乞悔不摳衣早十年

北山小築傍岫霞廿載投閒鬢未華海岳奇情惟屨石

河陽餘事到栽花忘機只許鷗同狎避俗還將鶴共誇
留得甘棠輿誦在野人爭識使君家

山色當樓月滿簾森森插架見精巖芸香深護三重錦
花影紛披十樣籤奇字識多元是癖好書收盡恐非廉
從今居近春明里借讀頻來定不嫌

入海求詩不厭深肯爲俗手度金針驪珠探得羞餘爪
鴛錦裁成見苦心野史亭應輸妙格王官谷好嗣清音
瑟居長夏都無事盟手焚香百遍吟

時以詩品三
九章見示

春日奉謁隨園夫子呈長句一首

注雲根

春山鳥鳴鳴春田人于我行無伴侶樂此春陽敷登
高訪幽躅入徑路縈紆應門者誰子言和色以愉主人

晨未興高閣聊可娛聞言發心賞憑闌意境舒竹樹茂
千章流水宛一區中間雜亭榭繡染如畫圖嗟予一下
士十年老菰蘆動爲妻孥迫不惜顏面輸袖刺常漉漫
足行每踟躕屢遭闔者呵低眉嘆路隅是間容小住不
以勢利拘昔聞君實僕今見穎士奴乃知我公賢汲引
良非誣坐我春風裏幾載容濫竿牛溲及馬勃詎可參
苓俱心感願更賒意摯詞不諛所望一顧開策此下乘
驚

辛卯八月訪隨園先生不遇

邵辰煥

十里桂松陰幽居不易尋雲光衣上落山色院中深坐
聽風泉響清疑鸞鳳音孫登不可見誰與撫鳴琴

雪後訪存齋先生不值

林良銓

高閣層山起方塘一澗通花隨廊曲折樹繞檻西東客
過疎籬外禽窺夕照中武陵詢地主金谷問園童採藥
人雖去尋源興未窮心懸元伯遠情共季方同預約他
年我應知此際公芙蓉新綻候沉醉碧荷筒
過小倉山訪主人不值

儲國鈞

竹樹影蒙密岡巒似畫圖主人本仙吏結屋在清都詎
敢門題鳳還疑鳥化鳧元言不相接何以當萱蘇

風吹余秋間重過白下適簡齋杭州未歸不獲再一握

手別後却寄

慶蘭

返棹重停白下舟欲親笑語故遲留與君握手差三日

予九月一日過白門聞簡齋為我還山負九秋不晤爭
九月四日歸小倉不能再晤為我還山負九秋不晤爭
如相見好來札有相見之語重離難補十年愁此情竟被
風吹斷泪似江流那肯收

壬寅春日 至隨園值存齋夫子遊浙東未歸

陳熙

老愛尋山健可知還憑遊屐慰離思亭前問字車空到
園裏看花屐懶移記我姓名隣舊僕念公眠食問佳兒
緘書欲附雙飛翼台宕雲深鶴去遲

新歲謁簡齋先生

劉夢芳

隨園形勝儼蓬萊中有人藏命世才閉戶徑添新長竹
著書窻老舊栽梅時多車馬敲門至知是公卿問字來

株壑幽深春似海瞻依幾度首重回

甲辰暮春訪簡齋太史未遇隨園留飲十二韻

史奕昂

綠竹脩疎處幽人室在焉入門穿徑曲拾級到堂前結
構依巖壑圖書雜簡編造廬人已遠款客嫂能賢庖屋
調珍味茶鐺起澹烟洵稱安樂地最喜蔚藍天坐久忘
喧矣窻開更曠然山高林鬱鬱池曲水涓涓堦影凝昨
迴禽聲到耳便軒齋無俗韻城市有林泉濟勝君猶健
年衰我自憐此來天作合余迎鑾召對時面奉論旨欲去且
留連

雨過隨園值主人北上

程晉芳

清華水木抱幽居曾記題襟漬墨餘野鶴不禁深夜怨
青燈猶照滿樓書半巖香散寒梅折別岸鐘鳴暮雨疎
遠出豈應同小草故山回首意何如

奉謁隨園先生不值

盛復春

昔訪名園今復遊石橋三過一登樓喜看好句懸高壁
不見仙人在上頭時先生遊吳塔影遠標支鵲觀柳絲低拂
采蓮舟還山若問留題客杜氏曾通十五秋前同陽湖
訪

秋晚過隨園適夫子有雲臺之遊 管松年

門外空停問字車秋齋人云玉窗虛暫離左右時縈夢
要訊平安孰寄書勝其常為腰脚健客途未覺笑談疎

也知禽向非無伴

劉兄霞裳借天子遊粵詩云天涯會同寧無伴攜手林泉得

所於

過隨園有懷夫子

曹世釗

深林蒼翠飽烟霞門巷蕭疎一徑斜
招飲客來同鬪酒尋春人去未還家
碧於山色簾前水紅到殘陽橋畔花
惆悵分題吟未穩催人歸去柳啼鴉

自巢縣到金陵訪隨園先生不值題詩奉寄

湯擴祖

入逕先看竹登樓更見山板橋朱檻外
鳥語綠陰間地縮西湖小詩吟東閣閒
相尋不相見新水聽潺潺

奉訪簡齋太史留宿隨園

俞瀚

難為分手去一榻卧清秋人老情偏重燈殘語未休山
催雲入夢天放月登樓悟得閒中樂萍踪不可留

甲午仲秋重過白下宿隨園

李棠

舊愛園林好經年喜再過雖衰猶矍鑠此會忍蹉跎未
覺童心減空餘霜髮多故人情似海留我住烟蘿

謝公門下士今日剩何人武說嫖姚貴

阿廣庭將軍

文傳屈

宋新

簡齋

閒中消歲月夢裏聚星辰獨抱荒莊愧年年

原憲貧

余與河將軍及簡齋戊午科全出鄧遜齋先生門下

家貧強作客歸思苦難禁已是秋風候難留野鶴心老
知離別重涼怯水雲深苦向山靈問何時更相尋

十月四日叩隨園夫子遊羅浮未返宿齋中作

范起鳳

一夕留清夢人間萬事非波濤千樹湧風雨四山圍主
作羅浮夢人敲白板扉似聞猿鶴怨杖履幾時歸

蒙簡齋先生留宿供梅滿室置身衆香國中得詩

二韻

王岱

香南雪北淨無埃姑射紛紛倚玉臺入座慚非大弟子
爭禁滿室散花來

過隨園呈簡齋夫子

邵玘

長江天塹隔蓬瀛引領師門歲月更白首幸逢今哲匠
絳帷寧拒老門生手披古簡丹黃校賦遂初衣猿鶴迎
笑我倦遊耽抱甕廿年不到佛狸城

奉呈簡齋先生

楊夢符

半生夢寐隨公住竟到江流渡白門一樹疎梅當岫影
千竿新綠上衣痕屈卿此憤身甘隱負汝多年膝自捫
袞袞雲霄堪一映任他臺省不須論

訪隨園先生

余葆寅

先生曠世才沉酣稽典籍早歲覲 楓宸玉堂留履迹
久懷惠愛心彈琴溥膏澤故鄉開化理仰止匪朝夕中
年耽閣棧隨園喜幽僻繞蓮竹陰陰入門天宇闢飛檻
架層樓循廊啓奧宅芸籤插古書雜玩布瑤席灣環局
倍新敞豁意彌適每逢異境藏疑有織雲隔我來正春
風繁香沁詩魄山色含淺深花光間紅白鳴鶴倚蒼苔
孤亭占危石橋低跨澗流塔遠窺林隙憑欄望不盡小
艇盪空碧一棹一遲回屢顧屢珍惜髮鬢遇桃源問津
無俗客

前題

洪禮吉

卜居花縣愜初衷早結茅齋署老翁文酒萬三千日足
簾櫳二十五房通關情偶作桃根咏鄉夢偏愁蘇小同
戊榜諸賢名位盛先生一笑付春風

重詣隨園奉簡齋老同年

沈榮昌

誰把隨園擬故園客來不速已三番寒花待臘無殘意
好鳥依林作舊言松徑依稀重改築荷塘曲折已逢源
淹留竟日頻諄囑老矣無嫌聚首繁

呈簡齋太史

浦翔春

天許移家作散仙六朝花月靜中緣
花開鐘阜聯吟屐月滿秦淮上酒船
當代才名追太白平生風骨類樊川
自慚海角菰蘆士仰止情深已廿年

前題

張道正

隨園地僻遂幽居麈尾離來好著書
自有文章軼班馬不妨居處狎樵漁
置身百尺層樓上放眼千秋一笑餘
門下青雲多少士可容末學掃庭除

初至隨園

李廷敬

平聞詞賦動江關短翼飛來幸及攀
不信松喬居海上詎移蓬閣到人間
雄文競以星雲比續集新收楚越還

四十年來花下隱能消清福是能閒

再至隨園

前人

曉禽喧竹樹花下敞雙扉
徑曲雕闌引亭高翠巘圍
泉聲新雨漲鶴語片雲歸
一笑山人出高眠與世違

呈簡齋太史

陳兆鯨

謫仙又見李長庚天與才華薄海傾
館閣公卿都執贄江淮草木盡知名
論窮六合驚神鬼太史著續齊書詩溯三唐
重性情老卧東山真有福肯將蘿薜易簪纓

新年返里走謁簡齋先生

周之桂

別公數月抵千霜每誦公詩對客狂
一笑身如春燕子銜泥今日始升堂

正是新陽律換纔紛紛玉戲滿樓臺天公有意儂猜着
教補程門立雪來連日大雪

呈簡齋先生

沈克勤

名比春雷動聲聞到處同九州一詩老三島幾仙翁宦
海抽身早詞壇敵手空聰明兼福壽談笑逮兒童結屋
清涼境全家圖書中六橋臺榭傲兩岸水雲通竹映開
樽綠花飛繞袖紅陶潛愛籬畔庾信寄江東五嶽遊幾
遍頻年記未終舟車忙晚歲杖履化春風門更滋桃李
材無棄荏種羨人親白傅遲我識韓公仰止倉山近疑
瞻太華崇撫衣慚下士投刺遂思衷敢謂經能執聊如
石待礪筵撞真率爾小技學雕蟲

同張廉船謁簡齋太史不遇

陳蔚

絳紗侍立半清流謝傅園林近莫愁早副盛名過白燕
能消清福卽丹邱三唐讀遍無暮傲五嶽歸來更漫遊
同甫心胸開萬古不徒壇坫占千秋

與陳豹章同作

張舟

野鶴閒雲七十身一邱一壑見精神集中長慶多新作
朝裏貞元少舊人白髮談詩牙吐慧朱顏顧曲眼生春
天風浩蕩江湖濶容得神仙賀季真

過隨園題壁

趙翼

名園欲訪屢愆期到及梅花正滿枝惟恐長爲門外客
特來親賦畫中詩林亭曲折文人筆牆壁淋漓幼婦詞

名滿九州身一壑，輞川莊遂屬王維。

結構憑何粉本摹，危欄絕磴路盤紆。峰迴巧作東西崦，水復流為裏外湖。喬木十圍人共老，名山一席客爭趨。問渠何福能消受，四十年來住畫圖。

春日同人遊隨園

徐溥

不識隨園數訪尋，那知城市即山林。晴霞歷亂迷花徑，彩翠空濛飲夕陰。負郭有田堪荷耒，折腰何事竟抽簪。池塘入夢憐春草，千古誰酬白雪吟。
先生有春草詩六首

遊隨園雜咏

選七首

李廣芸

小倉山房

几有金鈔琴座有，玉柄塵曉起捲簾。鈎花霧灑于雨。

書倉

擁書擬百城，積卷誇二酉。若是宋龍圖，當沽一甌酒。

金石藏

錦罽硬黃搨，銀錠捶痕細。風過墨花香，吹度花深紫。

蔚藍天

泉石碧翁翁，都在意中列。短塔影如針，挂向青山缺。

琉璃世界

紙醉復金迷，虛空着五色。應得水精奴，灑掃水花國。

柳谷

景蕪麴塵波搖出傷秋意為舞春風多長條垂到地

蓮沼

風約綠萍開倒浸雲羅濕欵欵紅蜻蜒飛上藕花立

前題 選八首

張汝霖

小倉山房

魚忘在江湖子宜置邱壑誰將淮南山移入建康郭歲
月俄已深梅花自開落

南樓

客來還登樓客去卽懸榻祇有西山青日夕許排闥酒
醒月卧關含情佇天末

竹請客

投鄰容竟詣掃徑况相迎柴門故人至嫋嫋清風生請
翹熱客駕珍此歲寒盟

判花軒

休誇山可移但恐笑成粲家居廉讓間人分黠癡半花
還問主人何以了公案

觀翠書屋

昨宵春雨寒燈花爆書屋曉聞西窓外叱叱黃牛犢屋
上花枝紅屋下秧水綠

飛虹橋

陂南山悄然幽禽自相語晴水亦香花開不知處春

風忙于人先過紅橋去

梅亭

寒苔封樹根孤鶴啄甌縫凭欄日何爲手取三百種收
香抵責絹仙人飽清俸

山上草堂

無驚北山靈且作東山卧大山竹閣高小山草堂大孤
吟趙倚樓留客陳驚坐

過隨園看芙蓉呈簡齋先生

金紹鵬

喜向蓬瀛謁謫仙秋山景艷小陽天鶴貪勝境忘行蹇
花放名園著色鮮畫裡禽魚疑輞水望中松石抵平泉
公門豈但培桃李栽植恩還到木蓮

九曲房櫺入武夷軒窓面面嵌玻璃到來身在水壺裡
想見心如水鏡時結構須知蔡意匠玲瓏真似讀公詩
芙蓉萬本瓊樓外紅雪嶸山掩映宜

謁隨園夫子賦呈三律

稽承謙

環山深貯一園春遠却聳然萬斛塵好古只憑修禊汲
耐閒還與短檠親閉關日涉都成趣落筆詩成倍有神
此樂可爲知者道踵門未厭舊門人

前題

李斗

山路嶙峋夾薜蘿虬龍樹石共婆娑紅樓有影都堪畫
碧水無聲却似歌才語定知千古少宦情應悔十年多
我曾遊遍南朝寺躡步雲霞記一過

謁隨園夫子

林 鎬

半世心頭結願偕，門牆末座已容排。
敢愁觀海難爲水，妄想升天竟可階。
載酒喜聞新月旦，看花偷識老風懷。
束脩只費山妻力，手剪紅雲製兩鞋。
秋陽炙背亂峯遙，問字元亭第一遭。
但見竹林攔路口，豈知花墅在山腰。
乍穿小徑疑尋壑，欲上長廊謾過橋。
聞說先生新浴罷，本來浴佛是今朝。

前題

喬 普

蓋代才名海宇傳，逢迎婦孺亦欣然。
能兼福慧前生佛，舊住蓬萊上界仙。
雙椽丹黃三萬軸，縱橫合古數千年。
詩裁文品千秋事，獨闢町畦證妙詮。

尚憶高軒過海隅，龍門未敢效鳧趨。
聲華典貴浮筠玉，性體圓靈記事珠。
香草童蒙憑掇拾，瑤漿天斗任傾斟。
凡材從此登仙界，換骨金丹惠我無。

前題

何承燕

卜築因天巧，藩籬借白雲。
虛廊秋寂寂，寒翠暮紛紛。
秀石孤亭聚，垂虹一水分。
後堂施絳帳，絲竹幾人聞。
小艇藏于壑，裝成舴艋輕。
一灣通話曲，雙槳蕩空明。
風幔當花卷，茶香待月生。
鵝兒最馴狎，避棹不無情。
谷口涼颼發，前山月上時。
梯空行閣道，緩步拂花枝。
地僻精廬近，名高過客知。
買絲真有願，已是十年遲。

前題

鵝踏枝

吳蔚光

伊軋籃輿衝雨去老樹荒溝畫出新秋趣一帶籬門何
氏住牽牛木槿花齊吐我已曾來三五度野客溪橋
只覺無多路山畔白雲如濕絮隨園就在雲深處

泊舟金陵謁隨園夫子

徐燁

金陵爲泊廣陵船迂道來過薄暮天屈曲小倉山下路
幾峰遮斷幾峰連

謝公去後得公居四十年來此結廬怪道門前多隙地
好容問字客停車

曉來乘興踏烟巒芳草藤蘿露未乾多謝畦丁掃紅雨
引儂穿徑指儂看

前題

前人

一別倉山漫五年攀花折柳記從前今朝問字車停處

剛值程門小雪天

是日小雪

登堂猶喜健如初鳩杖從來不用扶一事當頭先告我

劉郎別去絳幘孤

謂雲裳就聘九江

西湖訪簡齋先生

李天英

截湖小舫穿飛梭微風吹浪翻新荷積雨初歇瑪瑙寺
衆山擁髻如湘娥手携橫卷訪佳客圖中煙雨青相摩
楊柳遮門不知處但聞黃栗當風歌十年文采照南國
一匹雪練懸秋河淨洗六朝箏笛耳獨絃一揮羣音和
齊門濫竽竊自哂投劾歸去同流波揭來湖上尋古調
仙鳧逐鷺飛烟蘿短刺漫滅置小閣姓名不辨知誰何

夜窗展卷應大笑故人相遇何其多

過隨園有懷舊遊呈簡齋先生

劉夢芳

憶曾此地得追陪勝會生平第一回幾部笙歌花世界
滿山燈火夜樓臺醉看岩壑明如畫樂及禽魚靜不猜
興極還登最高處上攀星斗共徘徊

遊隨園書奉簡齋先生

莊宇達

五雲深處住浮邱耳熟今纔與目謀自有蔣生闢三徑

不教謝傅占千秋

園故謝公墩

林嵐獨絕開青眼福慧雙兼

到白頭如此蓬壺在几席怪公頻歲出山遊

西冷擬履憶蕭辰三載離懷此日申現出廬山真面目

總緣潞國好精神儲東硯北都如畫腕底胸中盡是春

我欲徑翻歐九案窮愁那得例詩人

喜晤隨園先生

伊湯安

太史文名一世豪倉山重訪不勝勞蜿蜒曲徑藏幽谷

已見先生邱壑高

滄海茫茫那測深得公一字重去南金竭來闔閣皆桃李

豈獨春風遍士林

名在他年高士傳園勝昔日輞川圖天然仙境容消受

清福如斯絕代無

己酉秋謁隨園先生

李仙枝

吁嗟乎王喬豈得遇赤松難從遊我聞方丈與瀛洲其

境縹緲非人世徒然幻結空中樓卓哉吾韓子所言識

名理神仙雖然有傳說智者盡知其妄矣先生早年登
甲科石渠聲譽滿京華九精照耀宵羅宿五色紛披筆
底霞金陵名勝歷江左江山雄秀雲烟鎖大隱金門是
謫仙翰林外授無不可東山絲竹日歡娛叱地清涼足
耐居修竹名花相倚藉高樓倚闌跨空虛名驚海內交
章老多士奔趨履周道愛客常看倒屣迎度人自有金
針好嗟予無所可用如朽樗粗石敢望成瓊窟大匠洪
鑪無礙器死草尚待春風嘘一到名園瞻積翠三島十
洲真不啻少微星燦老人高海鶴風姿嗟奇異平生夢
想仙人不可期始信神仙在陸地

訪隨園先生

袁棠

四朝潞國尚多情每念交游有嘆聲留得幾多臨老淚

歸航猶哭女門生

時織緘
新沒

可是衣從夜半傳不妨等到二更天酒闌只恐聞人謝
說道先生醉欲眠

隔岸波光漸漸生酒樓高倚冶坊浜瓊鈞缺處華燈補
不敵文星一點明

不效文星一照則

翻草欲求薄漸生西對高荷亦世我庭陰始盡華烈蘇
倚首尖坐漸為州

可景亦欲交半暮不世等陸二更天西園只恐園人歸

韓柳離哭丈門主疎野

四時都因尚冬計毋念交誠肯勉聲留焉幾冬調去我

隨園續同人集 投贈類

余督學江南適子才同年乞病卸江寧篆印席賦

贈四首

莊有恭

十載韶華瞥眼過回頭塵夢總南柯雲中五色光同照
石上三生話轉訛西苑雞鳴留舊榻大江擊楫感流波
我來君去緣慳甚卧轍空聞喚奈何

念舊情深老僕同謂子才舊僕朱明驚人劇笑舌鋒雄狂奴故

態吾猶在外吏趨庭爾竟工鐘鼓最嫌煩促漏弟兄何

事類飛蓬千金一刻輸今夕星聚從占太史公同年徐

西圃一時俱至

折翼抽簪博遊肥湖平風利幾人歸憐才異國多青眼

制軍策公返哺三春戀寸暉弱水急流仙骨異小倉叢
苦留子木桂宦情非隨園別貯人間世抱甕輪君早息機

西湖客寓訪簡齋先生不遇留贈 李天英

截湖小舫穿飛梭微風吹浪翻新荷積雨初歇瑪瑙寺
衆山擁髻如湘娥手携詩卷訪詩客圖中烟雨青相摩
楊柳遮門不知處但聞黃栗當風吹十年文采照南國
一匹雪練懸秋河淨洗六朝箏笛耳獨弦一揮羣音和
齊門濫竽竊自哂投劾歸去同流波竭來湖上尋古調
仙息逐鷺飛烟蘿短刺漫滅置小閣姓名不辨知誰何
夜窓展卷應大笑故人相遇何其多

湖上初晤簡齋先生有贈

趙翼

不曾識面早相知良會真成意外奇才可必傳能有幾
老猶得見未嫌遲蘇隄二月春如海杜牧三生髮有絲
一个西湖一才子此來不枉費遊資

携家來住武林春書畫隨身集等身與我相逢三竺路
此翁大似六朝人花間幼妓投名紙雨後尋詩墊角巾
他日西湖游覽誌故應添个老閒民

朝衫脫後占詞場三十年來獨擅長流寓已傳吳建業
輩行漸作魯靈光漫從近代推初白自說前生住點蒼
惜我曩從西洱過未曾探爾舊行藏

人言先生前生爲
點蒼山五百年老

不敘寒暄不待茶入門諧謔便交加誦公詩似瓶翻水

笑我癡同癖嗜痴海內神交無作合古來名士各成家
那禁僮僕從旁笑熟客登堂無此譁

簡齋先生路過南昌喜晤有贈

蔣知讓

捧我王母杖看公隨園花我年方六歲鬢鬢雙髻了張
燈小倉山萬樹枝橫斜百石猛火油山池映紅霞時公
太夫人頗抱含節嗟愛我如愛孫甘脆分梨楂忽忽十
載後公餞虹橋春有如西園集四座皆詩人春歸公未
歸罄款得屢親執燭俱座隅如點席上塵從茲走南北
兩繫石城艇搥衣拜公門聞公返鄉井重窺柳塘烟峩
識昔時景池開橋屢移竹密籬或屏環房玻璃天瓊樓
烟雲影山深晚無人涼鷗踏虛漢聞公訪天台聞公覽

黃海去公數千里必知公所在譬彼過海船仰見斗杓
改旋拱有正向昭誓不容給自誇識公顏逢人說公貌
聽者猶未詳欣欣轉相告慕公有私心頌公有好好
亦何待頌慕亦何所私人恨不識公識公我見時駸駸
二十年無可受公知徒隨天下人沾沾誦公詩公名在
天下所識如麴麩中材且推誘安在特與奇公負帽箱
奴日日與公遊識公類如此焉用識公爲公領帝王州
聲名壓西華去年我入關屢憇甘棠下誦公秦中詩俯
仰足欣詫又從西粵還皆公舊遊地一步一思公公忽
翩然至我翁營城南未疾嬰右臂自編平生作磨拭如
藏器願乞冠冕詞懷公通寤寐剝啄聞公來神宇一時

王坐起不待扶矍然舍筇杖爰開池上軒高譚達肝臟
翁久苦舌瘡嘆惜竟自忘笑指庭前柯花如爲公放草
堂三四楹偏仄少夷曠公來據胡牀春風滿闌柵維公
與我翁昔自比瑜亮此自足千古擬寫入屏障留公不
肯住言復端溪遊千里一命駕四海一子由嶺海萬首
詩况復行可收待嘗荔子丹歸期指三秋羨公五嶽興
攀陟窮奧區江山花月間意氣雄千夫我翁病形骸神
明弗稍渝焉得仙人藥豁起偏癢枯長江破浪舟重下
東倉居更似廿載前二老德不孤我學淵明兒但懶竹
肩輿過從有時暇偷讀隨園書

滕王閣上侍先生論古評詩字字驚公所讀書人亦讀

不如公處只聰明

湖上贈簡齋先生

錢維喬

才子江南有寓公十年不見夢常通入門高論還驚座
對酒離懷各轉蓬生藉鶯花縻夜月老看笠屐趁春風
石麟容我先摩頂佳傳地時付若翁

自着荷衣少宦情草堂猿鶴竟尋盟偶然著作堪千古
便不湖山也一生小隱金門知盡幻大還石髓笑難成
聊收神鬼爲譚助前席非求動聖明先生著子不誣一書

名園曾記共招邀烟水秦淮賦六朝詞伯天教能白髮
酒徒人已半青霄詩篇敢擬當垂手官境都先味折腰
今日西冷話蹤跡可堪同聽雨蕭蕭

家山秀絕數杭州泛宅翻成客裏遊公是季心能愛士
我如衛玠善言愁煙霞抱癖偏難共鴻雁隨陽且自謀
記取越吟他日慣定容易地得菟裘

嶺南喜晤簡齋先生

折遇蘭

江勢遙吞震澤春湖山今始見斯人十年小謫爲仙吏
半世依山作逸民自是文星爭快覩豈知龍性竟能馴
竭來玉局經行地鴻爪泥痕證夙因

雜誦高文意已傾屹然巨鎮得墜城雄談不惜翻前案
賸墨猶堪餉後生河朔星源真浩渺山當日觀失崢嶸
笑他海雨江風句枉擅詞場一代名

秋風吹浪片帆開不到羅浮不肯回聽雨聯床難獨去

看山雙鳥忽飛來天教西國留文字看到花田轉劫灰
我亦南遊多古意願君共病上高臺

勞生幾欲廢高吟豈料文章有賞音老眼能知天下士
虛懷真見古人心千金盡付門前債一夕鍾期海上琴
安得從公脫塵鞅題詩直到闌風岑

小住隨園奉贈

德隆

神仙中人不易見神交數載艱謀面都下爭傳賦落花
新詩寫遍白團扇昔君曾向蓬萊遊風濤浩渺登瀛洲
禁中才子無雙譽天上神仙第一流雄文班馬爭先後
麗詞庾鮑堪爲偶無端拂袖鳳皇池翩然作宰風塵走
人道先生無不宜儒林循吏俱稱奇河陽幾處栽花後

彭澤歸來種柳時
花開柳綠君方住
春暉好詠南陔句
買宅金陵桃葉旁
板輿竹外含飴顧
靈萱孝笋堦前植
名園卜築隨胸臆
却從塵市闢桃源
江湖滿地漁人識
閉門却埽深著書
方袍朱履神蕭疎
臺城烟雨容高卧
板渚鶯花愜遂初
翳余蚤歲讀君作
文章矯若雲中鶴
兩到江南不見君
夙懷饑渴將誰托
北風吹我江上寒
白門晴雪訪袁安
相逢一笑如相識
握手鬚眉仔細看
談諧興劇斜陽暮
匆匆又向江西去
他日相思欲寄書
匡廬以外雲深處

呈簡齋年伯

談士灝

著述才人業安恬
隱士心閑花雲外
數山綠座中侵不

向風塵老能消歲月
深江南秋色裏
翠靄仰遙岑

呈簡齋太史

方正澗

曲閣深房處處迷
洞天五色剪玻璃
知名士摠欽文望
有福花纔遇品題
內既久聞龍種放
慈筠新得鳳雛棲
行年六十猶耽學
萬卷丹黃手自批

隔幔青青鳳尾欄
隱囊紗帽稱閒居
名花爭勸留賓酒
侍女分抄脫稿書
閣爲延山緣磴起
糧因飼鶴入秋儲
旁人共引神仙比
祇恐神仙反不如

乙未九月自都門抵白下謁存齋夫子

丁珠

自笑琵琶曲未工
看花春夢又成空
千言賦獻誰知我

一句詩傳最感公增價何當逢伯樂焚香端的爲南豐
難忘十四年前意此日雖貧不是窮

築室金陵老歲華亭臺常倚綠雲遮身閒但急千秋業
官罷還貪一縣花杜老畢生羈旅舍放翁半世客天涯
可憐絕代經綸手祇向儒林號作家

千丈籬笆數里堤傍山臺閣影高低未知內處香先至
得近花叢路轉迷垂柳綠連春水上天桃紅到夕陽西
看來都是傾城色祇恐先生費品題

佛法仙方事總虛此身俯仰自遽遽力田也要能逢歲
應試無須多讀書斫地高歌才磊落送人作罷命何如
幾時亦構三間屋得傍先生水竹居

呈隨園先生

李賡芬

聲譽雞林重篇章鸞掖工江南舊令尹海內老詩翁綠
竹傳張禹生徒拜馬融一身仙與佛七字雅兼風壇坫
歸才子江山有寓公長吟梧葉碧閒卧藕花紅久切高
山仰今來霽月中到門王粲愧懷刺禰衡通幸借先容
力謂周秀才玉璫聊攄請見衷蠻箋愁畫虎枯管學雕蟲身分
懷中璞心情爨下桐青衿嗟未得葛屐自憐窮御李逢
人說推袁此事同登龍邀拂拭附驥藉磨礪穉穢容殊
赧姬媵夢易蒙可堪禡散質收入狄家籠

遊隨園二律奉贈簡齋

陶元藻

水破滄江手自驅垂楊種老倩雲扶胷中原有真邱壑

眼底重開好畫圖
四部蟲魚藏復壁
六朝烟雨接平蕪
夢魂未斷錢塘路
猶學長堤界兩湖

木杓茆亭野趣酣
肯教金碧污晴嵐
聯吟每過花間石
獨釣偏臨竹下潭
看到白雲疑輞口
攀來叢桂憶淮南
松風蘿月清如許
消受山房二十三

已巳仲秋賦呈簡齋先生

黃景仁

一代才豪仰大賢
天公位置總天然
文章草草皆千古
仕宦匆匆只十年
暫借玉堂留姓氏
便依勾漏作神仙
由來名士如名將
誰似汾陽福命全

雄譚壯翰振乾坤
喚起文人六代魂
浙水詞源鍾巨手
秣陵秋色釀名園
幾人國士曾邀盼
此地蒼生尚感恩

我喜兒時識司馬
不須持筆掃公門

煨室風亭翠靄間
藥欄花徑五周環
半蒿後主迎涼水

園有溪爲南唐時納涼之所
一杯前朝戲馬山
靈華歸老筆極

天風月養蒼顏誰
知泉石皆經澗
澗意先生未等閒

偶逢佳日徑開三
絲竹聲撥笑語酣
睡後金釵分左右

筵前竹箭盡東南
張燈雅會星千樹
蕩櫂清歌水一潭

不與西園冠蓋未
可知才命本難堪
先生召宴以病未赴

過隨園呈存齋先生

何士顥

鄴架藏書擁百城
鳴琴吟席古懽生
玻璃窻寫穠華影
楊柳風調乳燕聲
人與蝶迷香徑午
天隨雲淨遠峯晴
真成大隱幽棲地
盤谷從來浪得名

秋日奉訪隨園先生見木芙蓉盛開因憶日遊率

成一首

鮑之鐘

青鞋初踏秣陵塵太史園林每問津花底曉鶯藏曲徑
水邊涼鷺立青蘋紅雲香煖燒燈艷綠玉窻明拾翠頻
今日相過重話舊芙蓉塘外岸紗巾

在端州呈簡齋先生

彭翥

奇文少日誦西泠第一才名照汗青祇謂芝雲天際隔
豈期鸞節嶺南停惠連夢艸端溪碧紅豆詩齋荔子馨
定有新銘鐫北海崧臺觴酌古仙靈

逍遙登眺意如如欲向羅浮更曳裾嶺上筇纔雙足峙

鷗邊舫更萬花扶先生天台遊草卷末有寄郡伯何云明年倘到越王城不向司闕說姓名

徑上珠娘船裏坐萬花扶入海天行天空海濶胸何有成佛尋仙迹轉拘

白雪詠樓高百尺攀躋無自渺愁吾

呈子才大兄

弟增

五十鶯花夢蕭蕭髮欲絲少嫌經世早老悔讀書遲宦
味真如蠟心交獨有詩幽居彈古調相應憶墳荒

異地欣同譜瀛洲小侍臣琴閒曾步韻花滿尚饒春余

繼大兄為臭味成于淡文章妙有神推袁誠怪事伯仲

白門宰兩超倫

世網誰能脫飄然興獨賒山高雲亦懶樹靜鳥無譁樓

閣神仙地松風宰相家板輿花裡過深羨綵衣華

我亦名場客歸來倦世途 聖朝無隱士入境有蓬壺

愛惜修翎鶴調馴伏櫪駒休嫌門外冷卧雪本吾廬

呈隨園先生

毛藻

沸耳鴻名五十年每懷高致渺雲烟校書天祿渾閒事
種樹河陽亦偶然幾見朱顏棄軒冕今知陸地有神仙
小倉多少亭臺好便是蓬萊最上巔

和贈吳樹堂中丞韻

在桂林作

浦銑

騎省華年賦嶺雲名園花木最紛綸文章不藉江山助
風月都歸杖履春翰苑相逢俱後輩桂林重到憶前塵
當時健筆摩空處指點猶能告故人
丙辰年先生在金中丞署中作銅鼓賦特薦博學鴻詞入都賦刻廣西省志今五十年矣
筋力登臨覺尚優每逢佳處輒勾留誰能不遠六千里

來證前遊五十年名宦皆知餘白足

先生問金中丞南薰亭一老補知之

殘碑儘塌付蒼頭

先生搜塌桂林唐朱石刻殆盡

似聞欲挂湘帆去

又向衡山作勝遊

贈劉霞裳茂才兼呈隨園主人

林鎬

阿難結習昔未空天花亂落袈裟紅摩登伽女躡入室
摩挲戒體施神通爾時佛坐須彌頂放大光明照諸境
咒誦楞嚴秘密章拔歸香界心悲哽妙諦傾聽祇樹前
洗心皈佛佛心憐至今號佛大弟子白誓朱唇最少年
劉郎前身無乃是玉貌人天盡歡喜面藥香囊青雀舩
六朝金粉秦淮水淫女圍成肉陣遮臉羞不數摩登伽
五百毒龍爭一寶三千魔樂獻諸花對身入燕支宮

日向明空抱花笑不願同心錦瑟張從他聒耳蒼蠅鬧
隨園先生今如來海潮音動鳴春雷驚起鴛鴦浴才能
喚將蝴蝶夢初回蔚藍天上琉璃界三匝兜羅重膜拜
絳帳親傳自著經旃檀罽授能持戒新婚一月促登程
當作瓊枝一杖行黃嶽蓮華凌海笑羅浮仙蝶下山迎
歸來新詩滿囊橐隨手明珠拋落索先生手出青車尼
笑與兜頭作纓絡竭來吳苑看花過虎邱玉蘭花正多
立向花前無一語玉光蘭氣奈郎何招邀側帽來遊醮
繡閣朱門爭識面荀令新薰衣上香風媿恨不多吹遍
却愛芸牕坐校書嬉春懶上小羊車要知心地清涼後
已是人天分界初從此聲名真不朽名山事業居然有

衣鉢真傳不二門拈花長侍瞿曇叟笑我荒唐色界天
修羅剛學大乘禪願分一勺醍醐水灌出心頭智慧蓮

呈存齋先生三首

沈本陸

西泠才子到江東雅望分明山斗同獨起斯文高八代
何妨此老不三公天開圖畫家園裡人慕神仙陸地中
見說年華過七十鬚眉猶似未衰翁

小倉水木最清華官罷金陵便作家老去風情謝安石
少年氣概賈長沙囊無漢苑攜歸草園有河陽舊種花
怪底閒身留得住簪纓真不換烟霞

宏獎風流百代存詩人龍虎在隨園氣將蓋世誰爭席
客果懷奇自到門不爲宦途開捷徑直從學海探真源

嗟余生傍周郎里曲悞翻邀一顧恩

簡齋太史重遊沭陽次韻奉呈

朱黼

夫君本天人薄謫墮塵界束髮文陣雄不意失一若仍
然小遊戲捧檄一而再四十六年前此邦君所屆重遊
豈預必訪舊幾人在卓哉藍田裔久辭高爵拜園林掃
陳榻賓主老亦艾鴻泥雖云偶饑渴則已太乃知三世
緣不出六合外惟有地行仙往來閱人代

昔我遊太學觀聽隨園橋南歸守青瑣華髮盈飄蕭吟
哦蚯蚓竅寒瘦同島郊夙聞山斗名不見心空勞何期

觀察公先生畫呂萊客至將我邀親炙一朝慰劇談四

座尊今人未可薄古人未恨遙六一望玉堂如隔青雲

看我愧歐門士幸得從君招

依依桑榆景歷歷棠陰地懷哉後會長莞爾前言戲人

生難竟料再至或三至惟願人久長喬松挺而峙如何

南轅發欲去頻揮涕光陰百代客城郭千秋事青山卧

自高黃河夢先濟傳之圖畫中重以文章記披圖長相

思讀文愈有味深情誰似君不必問當世先生畫重遊沭陽圖寫文

以記

倉山三十卷字字動景仰妙手君不疲靈心天所養萊

園感舊作高唱孤月朗歸途寄所思佳句成美餉郵筒

今復來四詩如指掌君才八斗許而我欠通儻矮人同

觀場隨聲作欣賞乃更操紙筆不揣窮于往只憶會晤
樂一別勞夢想善歌使繼聲恕妄君或倘

奉謁隨園先生

張雲璈

才華祿命兩難并奇福如公孰與京天付瑯環爲地主
人從河嶽仰英聲畫屏共識江州面剡曲終留賀監名
見說門前多問字一生對客眼長明

文章如此合千秋萬里江山助壯遊司馬始堪居洛下
東坡何用乞常州片雲自護終南氣一石能迴砥柱流
只恐藩籬窺未得到門先看竹修修

小徑升堂許共攀置身直覺遠塵寰長樓花月神仙府
更勝蓬萊侍從班壇玷直持十載上功名多擬五湖間

我來欲下天仙拜豈爲閒園一往還

靈砂貯篋骨難堅自笑頭銜久不遷養鶴未謀田二頃
當門空抱瑟三年何曾溫卷投光範合有黃金鑄浪仙
披拂春風舊桑梓已勝絲竹待彭宣

和隨園夫子見贈原韻

秦大士

白露時方屆青梧葉正飄門停長者轍篇遺謫仙謠逸
響傳湘瑟和聲叶洞簫天孫一片錦泉客五絲綃長慶
應高壓松陵合遠超望塵慚弗及吟興暗相撩况索陽
春和能辭抗手招公才儷鴻鵠我智等鷓鴣學古傷遲
暮懷人坐徹宵蘭亭修禊會梓澤致書邀綠酒傾千罍
紅鞵打六么風華推管領宏獎振清標擷秀羅珠璧噓

生到篆雕

大士作秀才時
爲先生鐫印石

論交如澹菊佩服擬芳椒記

在丙丁歲分馳南北鏤乞身藏霧豹戢翼隱寒鷗小印

誇三絕雄姿敵十驍盛名真克副謙德更無驕冰鯉供

晨膳憲雞夢早朝老成周庾信博物宋劉昭絲竹且爲

樂羹梅終待調鏡中新雪髮篋裏舊金貂昨日逢開徑

名園暫駐輒觀魚翻翠浪放鶴破青霄棋賭楸枰勝談

聽玉塵搖詩文恣跌宕身世儘飄飄聚散飛鳴雁過從

早晚潮不才謝簪笏幾載田疇近市居東郭經秋憶

午橋曠懷晶宇濶洗眼俗氛消大雅從先進蒼顏識後

凋雲天心脉脉風雨境蕭蕭是孔方偕李非蘇孰和陶

拙工踈意匠改筆少情苗漏承肩頻聳燈殘手屢挑錯

刀勞贈惠敢謂報英瑤

入翰林後寄和隨園主人韻

程晉芳

四十年才爲後輩交遊若此古來稀頭銜入手誠清絕

書局留人未易歸老景直如冬景澹梅花又共雪花飛

遙憐居士山窓下清綺俸猶分粟粒肥

和簡齋先生見贈

在廣州作

折遇蘭

我本學道人不作學道言逢公數問難往復不厭煩感

公示真諦導河自星源高論如湧出隨地成波瀾往往

創奇語箋疏盡可刪始知真理學不外名士間庸儒祖

濂洛土偶而衣冠鄉愿德之賊此語真不刊

當公初來時走謁不及冠到門重徘徊欲入足先轉懼

為賢者擯孺悲吾所賤豈期深相容一見憐狂狗贈我
五字詩妙若廣陵散聞將舍我去天涯異鄉縣雖比未
見優見反增繾綣公來難再期我往固當便浮萍無定
踪蒼狗須臾變何以慰相思好待南飛雁

答存齋先生見贈元韻

蔣和寧

前輩雲霞契新詩江漢流手抄貽舊雨葉落正初秋俯
仰人間世淒涼溝水頭自從協洽歲同一相公樓學識先生
于家文諧合針投芥飛揚鷹掣鞬衣冠調楚楚贈詩有喜
落落楚楚詞翰愛修修出人華軒六盤餐秘省留先生緒起
之句廷寧修維時盛裙屐高會數更籌座上推文舉吟成說
顧彪飛仙琴正奏殘劫局先收才子辭 中禁臺郎作

外州魂銷金馬客淚滴石鄉侯喜聽花封裏仍將月斧
鏤政堪書竹冊名早動珠旒樹色秦淮舫嵐光令尹騶
相思春夢斷存問故人優我豈三生杜公真六一歐一
官叨後進兩陝慰良遊却艤江干棹言尋郢雪謳芙蓉
開正好萱草樂忘憂攜手濠梁伴披襟元禮舟崇朝旋
惜別嘉會更無由北固欣重見西窗話未休何圖立仗
馬忽變服車牛恩怨曾無與榮枯悉自求鴻猶飛冥冥
隼乃擊咻咻寧以揚州恩重臣難報才庸友所羞到
家門盡掩吹簫歲重週方擬庚申守誰知了已諏蒙高相國
聘修南斯之吾未信尚矣古難侔恰幸依通德長容謁
太邱門生同問字僮僕不知愁味可羹湯學詩堪格律

偷低回思往事飄忽詎人謀
鬢髮嗟何暮膏肓且少瘳
山中萬綠淨屋角亂紅稠
一日雲龍逐千秋志願酬
新
知有佳士謂竹岩鐵岩兩公子吾道不孤不

虎邱和簡齋同年見贈原韻

沈德潛

靚靚休教溷乃公曾懷夷
白想光風攝山巒嶺家園裏
曼倩剛方諧語中學道自能平
魄礪觀空轉復擅明聰
來吳欲訪工詩者旗鼓何人角
兩雄
大羅同日賦咸英鈍拙今慙漢
馬鄉會比香山濟九老
班聯詩館憶三生青鞵布鞵供遊覽
漁弟樵兄識姓名
良友傳書寫方曲和風披拂不勝情

丙午五月夜宿小倉山房

張誠

徑走金陵訪謫仙隨園原是洞中天
相逢一笑渾如舊
始信三生別有緣談久不知春
滿座醉餘更見月當筵
今宵剪燭陳蕃榻饑渴清懷慰十年

八斗才名蓋九州當今此事竟誰侔
少陵詩句無雙價
吏部文章第一流雲水散仙思入妙
幽燕老將力逾邁
青山要借如椽筆歲歲相招賦壯遊

小樓霞列暮雲屏石徑溪橋取次經
萬竹玉抽香滿嶺
六松虬結翠爲亭草頭富貴臧嘲獲
世外林泉影贈形
鴛水鶴湖公訪舊並無一個向晨星

余外伯祖曹慈山外祖六蕪家伯錢

珊皆先生友也今無一存者

九霄珠玉落塵圓直送西登劔閣關
先生題梅花以送行一夜分

明宿天上來朝依舊走人間似公國士知能幾愧我平生學未嫻別後裝啣嵩華頂時余將由豫入秦蜀相思如見小倉山

答簡齋先生寄贈詩扇

梁同書

餞送層樓隔暮霞小倉巖憶萬公家通波忽遞魚中素別緒難忘陌上花外集樊南編甲乙名園江左占清華湖山不得攀公住曾惹閒雲逐後車金陵扇骨仰家鐫寫寄新詩句似仙賤子慙爲孤鶴立先生導我白鷗前追陪兩度移雙鬢隔濶經年又遠川循誦華嚴無限思涼秋烟月自蒼然

展謁隨園夫子

彭翥

一徑綠陰入都忘城市喧到門修竹芭繫馬古梅根直是遊蓬島何期遂晤言升堂由也果今日到隨園玉貌仍當日芝雲悵六年喜隨鳩杖後轉在雁書先今春兩寄安函均尚未到舊雨聯紅豆春風及翠鈿聞新收女弟子甚衆客衣塵雨許都染落花烟

子才前輩過訪草堂見示遊天台雁宕黃山羅浮

諸詩流連竟夕喜賦

趙翼

薄暮君忽至令我喜欲顛與君兩年來書問月幾箋終不如見面快吐所欲言何期有今夕把酒明燈前當年驚蛺蝶逸態猶翩翩髭鬚雖已白狂過惡少年醉後起談鋒巖電目炯然妻孥亦驚咤私矚門隙邊不知見才

子但疑老神仙

趙州年八十打包始行脚君亦近七旬忽思訪名嶽
雲黃海深看桃天台灼旋支廬阜筇復躡羅浮屩攀崖
臂爲猿穿松身化鶴顛趾倘不虞糝粉付一落求榮求
利耶爲此童騃樂及歸倒錦囊奇句森然薄青山千萬
古生面一朝擴始知此老黠重輕早自度好詩拚命換
雖癡固未錯

我最愛君詩君亦愛我句他人豈不賞不着痛癢處惟
此兩老翁交融水投乳情爲成連移曲經周郎顧中宵
姑婦棋數着局已悟徐夫人七首不待血如注賞奇意
也消中病手無措微言澹相對銀河耿斜度僮奴侍兩
旁不知是何故但覺雙白頭燈前點不住

寄呈簡齋先生

彭光斗

蓬瀛仙客渺人間小謫塵寰鍊玉顏天遣別開詩世界
公還厭話舊朝班六朝人物東西晉一壑雲林大小山
聞道十洲遊覽徧懸知歸卧掩松關

心似牟尼舌廣長仙家端愛住清涼勾當風月排吟卷
管領湖山作道場一歲鄉人廿北面光斗長先十年彼
美望西方何時得放青溪棹排闥摳衣奉瓣香

小詩寫似簡齋先生

孫華

宦海烟波帆正發忽然微笑謝簪纓山中泉石勞經濟
白下風騷有正聲得句總教異流俗到門不覺失公卿

尋常談笑皆超絕天馬空行自一生

贈簡齋老同年

成城

袁絲老未減風情世外餐松體更輕一笑相逢猶跳躍

白猿端的是前生亂他言若是哦囉
山白猿後身

仙果離奇出海中遲兒生得氣如虹聲名太盛功名薄

底用聰明似阿翁

呈隨園夫子

鮑理

高人性本愛山居結構茅齋十畝餘門外自饒三徑雪

花前時擁百城書

種樹殷勤已廿年樓臺層疊染雲烟天機清妙慙斐迪

也許看花到輞川

端州府署呈子才丈人

楊國霖

龍馬精神六十九五千里外嶺南走搜覽名勝有餘閒

志在悅目與悅口悅口荔子味尙酸先生到粵尙
在清和月悅目

珠娘容盡醜荔子到底有甜時珠娘醜外恐烏有大抵

世事每如斯難向此中爲細剖蘭坡肴饌本平平星齋

用古竟否否不如靜聽長者談一笑各浮三大斗星齋
題揚

觀察集用典舛錯爲先生
所糾而先生極夸霖肴饌

呈簡齋先生

孫韶

舊是蓬萊玉笱班偶啣丹詔下塵寰冲霄翮本搏風上

出岫雲偏抱雨還四季花開江令筆半生心愛謝家山

水晶樓閣分明在翹首龍門迥莫攀

戊申三月簡齋先生枉道琴川游讌之餘奉呈一

首

吳蔚光

先生海內地行仙忽繫仙舟琴水絃文酒正宜三月裏
湖山可勝十年前姓名貫耳疑已古著作等身知必傳
放出看花雙老眼莫云鬚髮盡皤然

呈簡齋太史

疏枝春

我聞古小倉天與神仙家仙人一長嘯半嶺飛青霞瑤
草自春色松風開古花何時訪靈笈問道水雲涯

呈簡齋先生

江藩

公才如大河從天下注地一瀉一萬里氣可吞淮泗不
屑事章句讀書通大義發爲古文辭畢天下能事徐庾

作奴隸韓柳亦憊貽文章見性情經史供驅使讀者眩
生花作者實遊戲仁者見爲仁智者見爲智

高論法漢魏稍卑宗李杜此皆詩囚語攬拾前人吐作

詩寫性靈何必立門戶公詩通造化揮灑天花雨藩籬

破腐儒靈音振聾聵並驅蔣心餘與趙鵬北先生餘子何足

數大哉許世界公作風騷主置身天地外安得不千古

垂老不佞佛居山不學仙出處任所之萬事皆隨緣休

官築別墅六朝山色間園中花與木亦各全其天看山

行萬里縮地至海邊詩文到佳處往往如叅禪方知仙

與佛公身早兼焉

昔我年二十拜公於山塘十年復見公仍在雲岩傍春

花正爛熳月照琉璃觴

十二日公枉過飲於蠅須館

鬚髯白於雪欲

爭花月光望之若神仙剪水雙瞳方聲名牛斗懸四海

所仰望嫫母不知醜技癢呈篇章定當拜床下私心拈

瓣香

晤簡齋先生賦呈

吳兆龍

一代文章仰鉅公性靈揮灑古今空盡包典籍開生面

別有精神奪化工寫到黃庭剛恰好拈來白傅偶然同

隨園咫尺如天上幸許風雲信一通

地縮雙湖聚景賒翠微深處小棲霞亭臺曲折書倉隱

水石玲瓏柳谷斜高座自修千古業游人爭看四時花

我來正值芙蓉候開遍山巔復水涯

喜簡齋先生重過邢江

法嘉孫

靈光嶽嶽峙中天邢水重來健似前早已姓名知婦孺

果然人世有神仙千秋業竟難窺管四海才都願執鞭

莫慮維摩時抱疾老年猶是未衰年

時來邢就醫

讀罷倉山百卷清一篇一字總天成性靈獨造輕餘子

杖履曾陪幸此生雅謔亦堪消鄙吝詩評何異掌鈞衡

自慚久坐春風者十載方申仰止情

將反始孰呈隨園先生

陳用光

昔年未識公謂公為古人不知公年少才氣當誰倫去

歲讀公書失喜見顏色生幸公同時如何不相識昨者

初投刺意决行趨趨公相天下士而我誠何如寸心持

猶豫罷歸復不肯度公愛士心洪鐘感寸莛揖拜高堂
幾日歡宴同揮麈香雨散開襟天宇空安得橫經席終
歲坐春風

柳子論服氣譬之琴與書師心無所授擿埴譏索塗平
生風雅懷妄欲蠡測海游蜂鑽故紙那得大自在因讀
藏園集蔣心餘先生始誦倉山詩李杜既並世公外今為誰
手評我所作濃墨生成行巧匠午斲鼻驚馬初服箱歸
去鑄買鳥隨園一瓣香

寄贈簡齋先生

吳鎮甘肅

子才才子近無倫謾說中郎有後身
橘老不踰京口化寒會記隴頭春
音傳魚鳥情何極夢想湖山景未真

却羨江寧王少府隨園猶得望清塵

湖樓喜晤簡齋先生

葉紹桂

先生七十鬢眉蒼捧袂樽前接古香
著述已該周柱下典型真羨魯靈光
蒲鞭治績傳花縣錦瑟年華憶玉堂
生得從公忻未晚焦桐今遇蔡中郎

小倉突兀俯秦淮裙屐東山願豈乖
生已達觀歌楚些老猶強記續齊諧
偶談舊雨人俱古能坐春風客亦佳
萬古金陵名勝地天心鄭重為安排

先生隨園詩有歎息天心非草草安

排此地老袁安之句

江鄉卅載飽尊鱸福分才名絕世無
風月有緣花作障文章如海筆為桴

公幼時夢在海中縛筆數百萬枝為桴而坐其上

煎茶不羨

元真婢種橋新添穎士奴勝事更應誇白傅丹山老鳳
重將雛

征衫憔悴麴塵紅拈到蠻箋氣轉雄能寫性靈差見我
甘稱弟子爲逢公研經許立程門外得句應編杜集中
千里追陪定何日秣陵烟月一樽同

前題

任 康

望氣已知天上宿入門惟見古人風池涵樹密深沉綠
橋引人行曲折通兩鬢雲霞堆五岳一闕詩酒傲三公
華陽瀟灑知音達千百年來遇此翁

呈隨園先生

王光晟

自作一流人迥然絕點塵共稱金馬客會現宰官身皎

挂江城月清留菰屋春卅年遺善政猶復說津津
夫子誠高曠園居靜且開奇文驚海內妙句重人間獨
占林泉勝都將塵俗刪更饒遊屐健踪跡遍名山
飽讀倉山集全將茅塞開空靈鞭鈍骨挺拔見
似鏗金石光疑走電雷挑燈三復後願學脫凡胎
萍泛來江上紛如應接繁不慚爲俗吏且喜近高軒問
字容迂拙登龍快晤言春風時拂拂入座被和溫

喜晤簡齋先生

龍 鐸

主持風雅魯靈光大手誰能似小倉我向先生問奇字
人傳昨日到山塘擘舟穩擬成高會扣戶才知往上方
歸念行舸應過此此邦耆舊正相望

江東閨閣爭投贄海內名流願討源解組彈冠先到岸
佳山好水日當門二三萬里乘幽興七十餘年無愧言
耳目聰明身利便神仙猶遜此飛翾

前題

注 鯤

百年牛耳踞騷壇翹首龍門欲上難今日重逢頻慰藉
殿春花待老人看

自慚鼓瑟學湘靈未遇鍾期眼孰青願乞倉山詩話稿
逢場說與聵師聽

前題

方 溥

小倉山畔路盤紆名士閒來闢數區水石疑增元圃勝
林巒不讓輞川圖門陰翠色竹千个座擁牙籤書幾厨

大雅扶輪人共仰評詩日日到西甬

虎邱卽席呈簡齋先生

談炎衡

雙屐穿雲陟虎邱寓公文讌集別儔爭先問字誰甘後
排日論詩語未休三徑月明燈影淡一庭花落酒杯收
不知鄰下應劉輩嘉會當年似此不

果然老眼出風塵傾倒余懷似飲醇自是分才偏得斗
但開覺路不迷津山樗受削原無用土鼓隨聲漫自振
早識公門桃李盛更叨餘蔭及芳隣

公門下土范瘦生
林遠峯與余隣近

因得見先
生著作

寄呈簡齋夫子

蒲 忭

曾詣平原燕饗香借開仙樂辨霓裳

忭問字于趙耘菴
先生曾以小倉山

房全集

親逢李郭生同世願把歐蘇供一堂冬嶺松偏

榮晚歲秋山葵獨向朝陽先生披簡應微笑子夏門人

謁子張

自開生面掃羣言名冠三家比嶽尊

海內奉袁蔣趙為三大家

才人爭御李三朝此事首推袁山中宰相華陽館洛下

先生獨樂園羨殺小倉山景濶萬株桃李護龍門

到處留題畫舫輕天台雁宕挈家行自憑慧業消清福

天與閒身享重名六代雲山隨杖履一園花鳥盡聰明

神仙澹泊公卿苦修到先生定幾生

私淑名山心最殷識辨無分愧風塵大江烟雨空搔首

曠代文章許問津何日徑尋千里約昇平應有百年人

新詩願當侯芭酒遙祝雲亭歲歲春

七律四章寄呈簡齋太史

何道生

好語傳來挾纒温便疑身已謁龍門愛才到此真如命

知己從來勝感恩舊雨關心先送信

詩亭給諫以先和生手札見示

風着物妙無痕靈光今日惟公在可許心傳與細論

遲踏紅塵五十年望公不啻古神仙忽煩一介通消息

想亦三生有夙緣小草總歸春長養瓣香竟荷佛矜憐

平時雅抱推袁意矢願于今念益堅

鰥生落筆想千秋姓字深懷沒沒憂慚負頭銜稱水部

恐無福命見荊州虛名自笑黔驢技枉顧徒勞冀馬求

許署隨園詩弟子此生端不羨封侯

呈詩未敢學任華恐笑書生語太夸寄日封題如束笋
到時風物正梅花耽吟笑我堪稱癖宏獎疑公或嗜痴
惟祝金針遙度與焚香再拜向天涯

呈簡齋太夫子

王汝藩

春風植桃李愛花及其子孔氏諸門中往往列喬梓憶
公宰江寧家君捧杖几遙遙四十年門客多朱履不謂
稚子長復蒙公礪砥醉我以巨觥衣我以文綺形隨影
復從口講手復指時蒙提耳呼欲我應口唯庭前多玉
樹許我蒹葭倚壁上富詞章許我紗籠擬自覺文未工
不覺顙有泚兒時讀公詩高風已心企年來遊公門踴
躍作狂兕如觀山水奇窮高更極底如聽絲竹音含宮

復嚼徵他人託門墻厠名卽已喜而我受重恩兩
未已才也養不才拈花傳妙旨門下有門生于今又見
矣憶家宗伯公荒塚存蒿里煩公作碑銘生氣猶滿紙
謂公侯子孫將必復其始承公期望深報公何所以願
掘九仞泉不敢一簣止願守一瓣香永把寸心死多彈
伯牙音再証鍾期耳庶幾千萬年隨公列青史

下榻隨園呈簡齋太夫子

王汝翰

誰與金丹換骨來置身今已住蓬萊放懷鄴架酬飢渴
開眼蘭亭任溯洄三度雪經程座立幾回樽爲藪生開
詎知桃李門墻滿小草翻蒙着意栽
喜住名園侍絳帷毫端日送竣烏馳爐香繞座春常早

花氣薰人久不知得士有時飛札報

公與王夢樓太難守書夸稱過甚

書鎮日對床披夜深同聽三更柝恰似孫從祖課時

偶向柴扉半日行蓬蒿門徑記分明耳邊艷羨聽人說

身上烟雲繞袖生畧話平泉新艸木劇談白傅近心情

歸途有月寧嫌晚半道還逢小隸迎

子到館稍遲先生必遣人相接

竭來便作擁花仙日日黃梅蕊下眠家近自知離別少

天晴尤覺往來便僕推主意多相愛鳥聽書聲半結緣

安得竟忘塵世想此身長住大羅天

爲我一日留奉贈隨園先生

祝德麟

十二讀公文二十誦公詩讀文在黨塾誦詩在京畿安得如斯人容我長追隨盟心竊自覩見面水可知閱歲

次戊申銜恤返荆扉執友王夢樓下榻屏熱維我與談

恨事太息良緣乖話言未及了剝啄聲喧趁問客從何

方云是袁公來如夢喚初醒拍床叫絕奇但得一握手

那惜邂逅遲從茲頗自負已識元紫芝會難別太易往

復憑書辭寄書每不達南北徒相思春秋十度換薄宦

初解龜歸舟抵邗江謁我甌北師壁間黏素紙細讀乃

公詞索人生挽勺逝將告別期使我魂夢驚豈公有先

幾明知荒幻話日日生猜疑嗣詢李太守

寧剛健飯如

常時此老人中龍變化無端倪天公置度外聽其人聞

嬉不到蟠桃熟未必肯召之聞此意方釋思復接客儀

閏夏梅雨歇暮鵲噪庭枝邊韶睡正美李膺舟忽移籃

輿徑惠顧顛倒披裳衣觀者如堵墻婢僕皆竊窺主能
致神仙當亦非凡胎爲我一日留更足感交私雲間諸
任士聞風競趨陪雙眸爛巖電一笑麾林罷論詩破鬼
胆說士甘肉脂復談遊歷境堂上起垂屣旁及烟花趣
香風吹鬢絲憐才好色心愈老愈不衰見有此客不四
座咸解頤自余來此地風雨歎孤羈足音聽楚然便開
空谷眉况復南極星下降江之湄追攀雖不能庶足慰
調飢退閒無事業躬耕謝鋤犁惟此長吟興以爲送老
資敝帚敢言享南車藉指迷垂白喜再逢非公尙誰歸
時以庚子已來批
彙二十卷就正

湖上喜昭隨園先生

左 墉

鬢年曾讀小倉詩此日相逢恨已遲白髮還鄉因掃
紅粧負笈爲尋師湖邊花月供遊賞海內文章仗主持
不識程門三尺雪可能容我立多時

贈隨園太史

周長發

同歲詞科辟如君得幾人空濛懷舊境磊落剛清身地
以苔磯靜情惟釣叟真烟波三泖路孤棹領芳春
竄窾多林藪幽深倩畫圖松間眠一鶴汀際漾雙鳧命
酒香初泛端居興不孤此時秋水濶手掬洗高梧

樹對千章碧山擎一朵青名園金鹿歛好句玉瓏玲竹
雨清無滓松風白可聽翛然胸次豁爽氣入疎櫺
風雅盈壇玷誰將姓氏標經箋王輔嗣酒貫蓋寬饒花

圃懸棚覆瓜畦接筧澆園丁多日課長書箇中消

前題

汪汝弼

久識東南有歲星小倉今日拜儀型才同班馬驚猶在
地是嫦娥喜乍經叩戶山中仙鶴應吟詩江上老龍聽
徘徊未即投名紙貪看雲峰六代青

弱冠爭傳入洛名一時倒屣遍公卿早辭組綬還林壑
老學耕桑報 聖明紅粉有人稱弟子青山到處屬先
生蘭成新宅棠陰古愛聽遺民說政聲

半似天仙半地仙盛名清福世間難等身著述空千載
於我浮雲擲一官曠代誰標才子號聞名都當占人看
平生願見心多少每把詩篇坐夜寒

濟濟雄才學海中可容執簡侍春風瑤林瓊樹慚王衍
絳帳金釵憶馬融天假餘緣留待我人如大壑必朝宗
從茲歸去無他樂贏得今生眼界空

前題

陳毓成

嘯傲昇平數十年宰官名士又神仙已超萬古塵沙劫
難了三生翰墨緣真愛才如縻好爵最耽書似種良田
少微星本闕天象夜夜光芒徹斗邊

不願榮華願隱淪偏于世外葆天真微之官禁稱才子
魯望江湖號散人若到金門肯後輩定知玉局是前身
色空空色何須問一任維摩說淨因

前題

孫原湘

先生小謫玉堂仙宦海抽簪五十年屈指已無前輩在
及身早共古人傳險搜奇境歸詩卷老著新書當俸錢
先生每著一書購者如市持較樂天應一笑曾經少作蓬生篇
歲歲梅花夜夜簫才人奇福竟能消黃初詞賦空千古
白下家居愛六朝地有文星爭快觀客如明月不須邀
誰知陶令歸來日反使公卿盡折腰
看盡名山面目真一箇邱壑更翻新飛橋界水成雙鏡
放竹爲雲護四鄰健筆獨撐詩世界鴻才小試野經綸
從知地亦難消受著个文人作主人

前題

張鉉

海內鴻名沸耳傳深情仰止廿年前識荆始遂平生願

立雪曾虛曩日緣

壬寅仲春詣隨園奉謁不值

唱玉聯珠佳子弟

張

君香巖

朱顏綠鬢老神仙人問清福憑消受兩度尋真入

洞天

時再遊天台歸

春風絳帳啓西湖名媛分經列座隅才思汪洋同海濶
游踪洒落與雲俱三生慧業千秋在六代鶯花冊載娛
今日樛材親杖履可容負笈問奇無

前題

孫昌時

瀟酒襟懷絕世無隨園家慶倩誰圖詩成自有名姬寫
醉後還憑幼子扶四季州花隨杖履三山風雨入松梧
壯齡已定辭官計早脫烏紗是丈夫
虛懷若谷論持平大啓龍門集衆英才女盡爲詩弟子

名流多是老門生
弇山翁似倉山叟秋楓尚書
曠代人居六
代城得侍絳帷寧
恨晚廿年私淑久
心傾

前題

顧澍

興來偶泛剡溪船
得領清談軼晉賢
有句共傳天下口
無人不羨地行仙
三春爲惜鶯花老
十載重尋山水緣
此地頗聞堪蠟屐
從遊私擬執吟鞭

蔣心餘先生呼隨園爲詩佛
余爲作歌

金兆鵬

當代詩仙太史蔣
筆餐沆瀣凌雲上
紺瞳從不妄垂青
獨見隨園頰合掌
指爲詩佛稱名奇
吟壇萬頃包須彌
文林馥郁旃檀列
學海汪洋寶筏施
生來智覺空諸有

更加面壁神功久
牟尼珠瀉錦囊中
百八何須持在手
昔年曾現宰官身
逢場說法完前因
便從風雅叅三昧
還淪心源淨六塵
愛覽名山觀自在
山中老宿焚香待
雪濤千疊入天台
風雨一航浮嶺海
小倉幽寂離塵埃
近連淨土清涼臺
空山無人雲結蔭
水流汨汨花枝開
諸來叅者冠裳列
法門廣大兜探閱
龍蛇混雜詎無分
一片婆心指點切
有時硯凝甘露漿
有時墨洒般若湯
有時粲吐蓮花舌
白毫揮洒成文章
何人傳法律生龍
活虎蟠椽筆何物
爲裝嚴精金玉鑲
瑤函我昔來叅
求棒喝躬依講席
心神豁瓣香敬奉
誓平生俯首皈依
求解脫詩佛門牆
多弟子夜半傳衣
道得矣何時詩佛

請詩仙聽說人天絕妙旨

上隨園夫子五十韻

黃世埏

龍飛開壽域百四十餘春誰擅無雙譽公為第一人筆

能掃海嶽名欲動星辰叔子知前世香山謔後身鴻文

原共寶鶴髮漸如銀公昔年方綺人驚席上珍鴛鴦詩

絕妙鸚鵡賦無倫先生以編故賦受知于金德山中丞薦禰封章僅推袁

意氣真九重簪筆入百辟動容詢先生朝冠召試鴻博王公都來問年

縱識終軍鼠猶懸子夏鴉做車何輾轉冷炙亦悲辛倏

忽風雲起飛騰尺蠖伸玉堂金馬選翠巖錦標掄日影

花磚靜鈴聲鎖院勾思榮趨梓里好合咏桃蓂先生乞假歸娶

遇較藍橋美詞添翰苑新神倦還小謫法界閱微塵虎

繡辭丹陛息飛到水濱潘花陶柳盛謝月宋風鄰化洽

棠陰美風登太古淳有誰官愛熱斷識吏書循偶爾求

初服翩然謝要津小人原有母故士乞垂綸北背萱高

蔭南陔黍潔陳神君成逸士孝子即名臣身退書

才雄海可埋汗牛文百卷搏象力千鈞曠代推文獻何

人敵楚秦江河流萬古日月煥由旬定自關元氣其間

有夙因小倉長隱几大雅籍扶輪間字階前滿香車花

外巡美人稱弟子孫雲鳳等元老喚嘉賓尹高兩庭種

槐成市門驚鷓噪晨輞川精結備金谷關荆榛樹用培

人法花同弊吏甄有時催畫鷁遠道跨文駟勝水名山

去餐烟吸露頻荔支紅入粵茶葉碧盈閩黃海猿公笑

天台玉女嘯詩翁誰不識
蠱豸亦相親弟况僧彌匹

亭太守兒看驥子駝螭切欣共上
蒼背仔高踈賤子班慙

筍浮生勞類薪塗鴉常草草
執雉久逡逡無分傳衣鉢

空思學組紉視期彙共斷玉
匪肝能磷略紀先生實微

通小子忱十年慚立雪百韻
當歌爾故把心香熟春秋

祝大椿

喜隨園太史至揚州

洪錫豫

久聞栗里驅車出喜向菲檐
擁簪迎落于湖山多勝賞

時先生甫遊天台由西海吳門而至邢江隨風珠玉見深情
顏無藉駐身彌

健杖不須扶步更輕雅集幾
回叨侍從一時佳話播江

城

里詞敢向郢中投小草寧期
藥籠收自賦高軒矜一顧

况從絕業附千秋隨園尺牘錫豫製跋錄筵開艸具殊慙陋篋滿

琳瑯愧莫酬惟待梅花春訊
早小倉山外繫扁舟承召來春

赴隨園看梅

喜隨園夫子臨蒞淮浦

陳熙

杖履疑從物外臨連朝官閣
集朋簪長生不學神僊術

見佛皆生歡喜心小別經年
如一瞬少留片刻直千金

隨園圖與同人集每念師恩
感不禁余年十七公畫入隨園雅集圖選續

同人集收拙句尤多

簡齋前輩約自維揚來訪遲
之不至以詩逆之

謝啓昆

留得烟霞自在身何妨下界踏紅塵折梅夢到消寒館

來書云赴洪氏消寒之館控鶴飛來卧雪人一榻清風迎劍履十年

舊雨張參辰菜萸灣畔青蓮舫日暮浮雲起遠津

安排床下拜龐公預想迎門走孺童鳩杖東南推國老

蛾眉弟子拜詩翁閩秀多執業者拈花頓悟多生幻落月罕懷

異地同浦屬君家應小住清江浦一各袁公浦驪駒休道唱匆匆

喜隨園先生過訪同家大人作謝學增年十四

花下交三九袁公浦上來呼童先煮茗留客且啣杯

却杖籃輿出論詩笑口開不妨成小住常奉謫仙才

前題

謝學壩年十二

江頭梅信到有客住高軒得奉東山杖欣開北海尊

驚人句慚謝此事世推袁入座衣香繞新詩許討論

王子仲冬喜隨園先生至邗過舍小飯

儲潤書

每嗟問字阻江烟忽逐安車喜欲顛拂拭猥蒙先眾客

康強逾覺勝前年傾囊獲見珠光耀賜以各詩冊見示侍坐還

看玉筍聯霞裳香岩祇愧山蔬兼魯酒敢攀杖履當開筵

如椽巨筆障迴瀾光焰驚人萬丈看四海咸思望顏色

一尊何幸奉盤桓題糕頓見傳聞媛先生以蕭美人糕餽奇中丞各賦一

詩吳穀人太史製序畫餅還邀列食單家製薄餅先生賞之採入隨園食譜軼事都

堪作佳話異時傳誦滿騷壇

便思十日待平原淮浦偏看鷓首鶩立雪有人操几杖

時陳梅岑司馬遣人迎先生赴淮采風曾不異，輶軒地經雅集都增色。

天爲清遊特放暄，後會更蒙堅訂約。梅花時節叩名園，
癸巳二月初旬隨園夫子路過京口，寓佩香女史

家小住七日別後賦呈

左 壩

聽說公來喜欲顛，相逢情話倍纏綿。深慙門下閒桃李，
得領春風已一年。

六郎才貌最清華，負笈同來女士家。老去風懷猶未減，

還從霧裏看蓮花。

調香

月光燈影滿西堂，賓客紛紛置酒忙。賴有閑中諸食性，
朝朝洗手作羹湯。

苦留七日太匆匆，才聽還山眼欲紅。暗把金錢買舟子，

幾回假報石尤風。

同魯星村汪漁村謁隨園夫子讀遊黃山詩賦呈

七古二章

張 節

君從黃山歸，我來訪君雲滿衣。我是黃山山下人，不得
同君凌翠微。君看黃山峯奇峯多，被山雲封天風吹雲
峯忽見我，今始對先生面。七十老翁踏金轆，遊山歸來
不覺勞。談詩說鬼兩不厭，清言滾滾翻波濤。漁村星村
詩中豪，出門同嘆先生高。

一燈三人分爭讀，先生黃山詩三十六。芙蓉開卷如見
之靈區，咫尺未幽討。讀先生詩驚絕倒，家在崑岡旁。珠
璣乃爲他人寶，我歸定擬登天都。持君詩向山靈告。

讀隨園先生全集賦呈

法式善

古人所有公盡有三唐兩宋皆前型神丹一點物俱化
皮肉脫落存精靈轉華不為法華轉別遮湧現誰能局
庖丁解牛以千數其刃猶若新發矚外間不識謂遊戲
何嘗嘲龍有蝦蟇造物生機常不死春春花葉傳芳馨
我願世間才子棄故技更授要道如夢醒寶此一編誦
萬遍腎腸心腑皆瓏玲遺言用意自絕俗何用瑄厨摹
擬衣冠優孟亡君形

讀簡齋先生小倉山房集偶成一律

崔龍見

卅年相慕未相親此事推袁久屬君江左風流王仲寶

人間春恨杜司勳花開上苑優曇現名享千秋海外聞

循吏儒林早論定笑他撼樹螳紛紜高麗使臣樸家齊以重價購全集

仙才早拂釣鰲竿信有江山勸挂冠瀟岸柳迎三輔曉

秣陵鐘帶六朝寒舊游鴻爪都留帙投老羊城尚據鞍

時先生粵游返棹媿我白頭歸萬里予從巴蜀歸擬擬黃隨園而借行者遽促解維春

風只向卷中看

呈簡齋先生四首

胡永煥

翛然物外著閑身落筆超超絕點塵二百年來無此作

六朝山裏有斯人聰明得福誰云少風月移情自有真

羨煞園中閑草木落花流水四時春

弱冠詞臣也白頭生平佳話摠千秋名將麟閣公侯並

詩有雞林賈客才香妙爭行門下禮好山都向暮年遊
傳聞海外仙龕築還憶蓬山頂上不

金石文章世共推也懷私狀乞題碑遠慚裴令酬千絹

肯比林宗溢一辭先子有靈應不朽喜心無限轉生悲

傳家第一倉山集便是當年祖德詩蒙為先子作墓銘

王通門下荷裁成詩町先生更聽安昌絲竹聲瘦銅兩處風

流憐後起千秋絕業屬先生細川歸海關皆紫秋月當

天氣自清但願聆音能識曲敢辭立雪到三更

前題

胡岳

六朝風月一家春聲價千秋定此身隨口詩篇皆絕調

及門弟子盡傳人儘教山水消清福多少公卿拜之塵

我謁靈光還未晚先生年老更精神

奉題小倉詩集斷句七章

祝德麟

東方紅日照扶桑手攬麒麟下大荒我讀公詩如讀史

能兼才學識三長

筆鋒劍作雙龍化思路珠穿九曲通剩有三主情種在

不教一字古人同

七竅玲瓏萬象虛人文具似馬相如却愁毛鄭功臣在

難註人間未見書

老歛才華境更寬波斯巨舶泛洪瀾騰騰寶氣衝霄漢

不見珊瑚問木難

樂死無過王右軍謝公行處妓隨身問渠何福能消受

不是青山即美人

每逢岳牧句紛投肯以諛辭結貴游但向隨園門外過
公卿誰敢不低頭

一生清夢繞蓬壺不愛王喬颺葉鳧試問石渠金馬彥
百年來有此才無

呈隨園先生

施德燮

香火情深信有因先生年老更精神文章卅卷推當代

白下千秋又此人一宰官聲隨處誦小倉山色四時春

自誇老去還多福猶許從容拜後塵

記得尋春興未闌當年曾幸識騷壇靈光殿古傾心久

通德門高一見難兩年春予尋春到隨園未得見先生驥縱空羣偏恨

老琴逢知己尙思彈敢將下里巴人曲獻與明公仔

細看時以莫愁湖詩呈改

寄贈隨園先生有序

福康安

余自束髮時卽耳隨園名知爲當代作者而南北相
睽不得一見心輒向往甲辰春扈從金陵思一訪隨

園適奉命他往遂不果今又將十年矣向見隨園

詩話新齊諧二書雖遊戲之筆而標新領異已遠勝

滄浪虞初諸書携之行篋把玩不置茲來衛藏軍事

之暇適補山相國瑤圃制軍成共朝夕談次時及隨

園和希齋大司空携有小倉山房全集因得讀之才

氣浩瀚茫無津涯快爲目所未覩余于役萬里征討

絕域出青海而眇碣石登昆侖以睇星宿復過衛藏
以西數千里歷古未通中國之地殊形詭狀不可臆
度惟隨園之才庶幾彷彿似之竊以余髫年侍直
禁廷不及讀中秘書遊歷幾遍天下所過名山大川
竟未能著所聞見形之詠歌讀隨園之詩乃不禁怦
然動也聞補山相國適有札覆緣附成四律以寄亦
以見傾倒之有素爾

獨開生面領騷壇萬首詩成墨未乾傳世何須一品集
買山肯戀十年官諸天歡喜隨緣住泛宅烟波着意看
曾是六朝金粉地此中容得老袁安

敢誇旗鼓兩家軍蹤跡原如岐路分客過元亭長載酒

我從東野願爲雲聰明自占無雙福翰墨先收第一勳

知否有人三藏地把君詩卷佛香薰

曾識仙人紫閣中披襟玉殿對和風士逢知己心難

忘誅善言情讀忍終集中有先文忠公曉律四首君早歸田真作達

余懶專闢又從戎雁行亦有相知雅獨恨神交路未通

我齋侍衛二兄曾有投贈之作

五嶽游成杖復搢壯懷仍似少年時赤城天半標霞綺

隨園近作天台雁蕩之遊粵嶠春深孽荔枝數年前聞啖荔枝嶺南跌盪未教閒

謁屐逢迎到處識霜髭小倉山畔梅如海踏雪還將與

鶴期

寄贈隨園先生有序

和琳

隨園先生為當代龍門余耳其名無由一見得小倉
山房詩集讀而愛之携置行篋日夕玩詠不輟得詩
二首以誌服膺之意錄呈教正

不信紅塵裏神仙携眷居曠觀百歲事大隱六朝墟天
女皆從學聞多女弟子梅花伴讀書隨園有梅七百株皆手植也世間饒
熱客應亦薄金魚

數卷倉山集先生道性靈錦心羅萬象妙手運無形侯

合依前席彭應侍後庭因緣知有日天不墮文星予向慕有

年自合在弟子之列今先生年登大耋神明無昇少壯竊幸領教正有日也

贈隨園太史

德 福

早辭組綬占文場天授奇才老更忙兩晉風流歸咳唾

三春花鳥費平章搢紳請業賢方許卿相論交貴且忘

宛似富春山下叟客星光動水雲鄉

春風千里策長筇絕好鶯花到處供一帶水聲迎畫舫

六朝山色識仙容金閨執贄都嫌晚林屋藏書待啓封

方請先生遊林屋洞此日湖蠕邀玉趾頓教俗吏也登龍

呈隨園先生

王 岱

占得金陵六代春澗阿松老棟梁身幽閒境闢羲皇世

著作名疑魏晉人才比大蘇情更勝詩同白傅意尤新

平生風趣前無古不獨當今邁等倫

寄贈隨園先生

裕親王世子思元主人

久欲瞻韓恨未能隨園佳勝想攀登謫居仙客蓬萊住

曠世雄才海內聞
百尺樓臺千面鏡
一山花鳥萬枝燈
他時得識先生面
使我精神亦倍增

讀隨園詩文集寄贈簡齋先生

吳承禧

夙慕隨園老風懷迥絕倫
鳴琴古儒吏作賦舊詞臣
結屋青山裏移家綠水濱
耽書消宦味下筆任天真
適意烟霞慣忘機鳥雀馴
雄才足空世奇句不降人
元亮徵前契香山認後身
管絃行樂慣醺會賦詩頻
窗竹干竿密林花四季
新名賢資月旦髦士荷陶甄
簾捲飄紅蝶溪清泛錦鱗
安閒殊石隱高曠近天民
我擬通鴻鯉公堪比鳳麟
識韓空有志御李意無因
玉塞鶯花晚金陵草樹春
何當趨講席撰杖日相親

